

想轉賬更方便？今次就同大家分享點樣經「電子直接付款授權」增值滙豐戶口，令您無論喺香港滙豐流動理財應用程式定網上理財，都可以體驗到一站式快捷轉賬體驗！

登入您嘅香港滙豐流動理財應用程式

登入後，點擊「轉賬及繳費」，再揸「經電子直接付款授權增值滙豐戶口」開始。如您第一次使用呢項服務或尚未設立戶口增值指示，您要先設立指示，將您於其他本地銀行嘅同名戶口連結到滙豐。

我哋會發送一個一次性驗證碼到您已登記嘅手機號碼，輸入後就可以開始設立指示。

驗證後，從指定銀行列表中選擇一間本地銀行，並輸入您喺呢間銀行嘅同名賬戶號碼作為支賬戶口。

然後揀選您想增值嘅滙豐戶口作為入賬戶口，並為已選指示設置每日轉賬限額。請注意，所選擇嘅支賬銀行戶口嘅持有人姓名必須同滙豐戶口登記嘅相同，支賬同入賬戶口亦需屬同一貨幣。確保所有資料無誤後按「繼續」提交指示。其後，您會收到短訊及電郵通知您指示嘅狀態。

成功設立戶口增值指示後，您可再次點擊「轉賬及繳費」頁面內嘅「經電子直接付款授權增值滙豐戶口」，宜家您會見到已連結至滙豐同名戶口嘅支賬戶口列表。選擇一個支賬戶口以開始。您亦可以喺呢度點擊「新增指示」設立其他戶口增值指示。

選擇相應入賬戶口及輸入轉賬金額，確認前請仔細留意資料是否正確，並確保轉賬金額喺相關轉賬限額之內。隨後，您會收到短訊及電郵作為確認通知，助您了解交易狀態。

如果您仲未安裝香港滙豐流動理財應用程式，請放心！您亦可以透過滙豐網上理財「經電子直接付款授權增值滙豐戶口」！先登入帳戶，將鼠標指向「轉賬及繳費」，並喺「本地轉賬及繳費」中揀選「經電子直接付款授權增值滙豐戶口」。

如果您未曾設立有效嘅戶口增值指示，或想將其他同名戶口連結到您嘅滙豐戶口，喺「設立指示」頁面，完成所需程序後就可以設立新嘅戶口增值指示。

驗證後，請選擇一間用於支賬嘅指定本地銀行。輸入同名戶口嘅賬戶號碼後，再揀選相同貨幣嘅滙豐戶口。為指示設置每日轉賬限額，再按「繼續」，並確認所輸入嘅資料正確無誤後再提交。您稍後亦會收到設立狀態嘅通知。

當您成功設立戶口增值指示，只需簡單幾步就可以隨時增值您嘅滙豐戶口。於「增值指示」頁面，喺列表中選擇「支賬」同「入賬」戶口，再輸入金額就完成。需要留意嘅係，轉賬會受所有相關轉賬限額所限。提交後，您將會收到我哋嘅通知，而款項亦會喺交易完成後轉賬到您嘅滙豐戶口。

另外，您可以於「管理指示」查看各個戶口增值指示，並喺有需要時刪除。就係咁樣，相信您已經了解點樣可以方便快捷地轉賬到滙豐啦。立即喺滙豐流動或網上理財試下經電子直接付款授權增值滙豐戶口啦！